

|            |                 |             |                     |
|------------|-----------------|-------------|---------------------|
| Headline   | UMUM            |             |                     |
| MediaTitle | Utusan Malaysia |             |                     |
| Date       | 14 Apr 2014     | Color       | Black/white         |
| Section    | Letters         | Circulation | 173,387             |
| Page No    | 26              | Readership  | 699,000             |
| Language   | Malay           | ArticleSize | 152 cm <sup>2</sup> |
| Journalist | N/A             | AdValue     | RM 1,981            |
| Frequency  | Daily           | PR Value    | RM 5,942            |



## UMUM

✿ BANDAR RAYA Kuala Lumpur bukan luas sangat macam di negara jiran untuk menjaga kebersihan. KL boleh menjadi sebuah bandar raya bersih, jika pihak penguatkuasaan kita ada kemahuan kearah tersebut.

**019-369XXXX**

✿ YANG baik adalah usaha pihak penguasaan menaik taraf medan selera di Kompleks Perniagaan Greentown Mall Ipoh. Yang jelek pula tidak ada sabun pencuci tangan di sinki yang disediakan dan banyak alat mengganggu pelanggan.

**BLUE ARMY**

✿ SAYA sebagai penduduk Selangor ingin meminta jasa baik Yang Amat Berhormat Menteri Besar Selangor supaya tempoh catuan air dipendekkan menjadi satu hari terutama menjelang Ramadan yang bakal menjelma nanti.

**014-722XXXX**

✿ KESAL tenaga pengajar sebuah sekolah memandu di Seberang Jaya, Seberang Perai sentiasa menggunakan kata-kata kesat kepada pelajar.

**BUDAK UiTM**

✿ SETIAP anggota polis mesti berada pada tahap disiplin yang tinggi, peramah dan mesti berhenti bagi menolong orang awam dalam kepayahan di tepi jalan, bukan hanya pandang dan berlalu. Pihak polis mesti sentiasa baik dan bertanggungjawab kepada orang ramai.

**013-275XXXX**

✿ SOKONG 100 peratus dengan teguran MB Terengganu Datuk Seri Ahmad Said

terhadap Jawatankuasa Tatatertib FAM. Memang banyak yang tidak kena dengan badan induk tersebut. Peminat bola sepak sudah lama tahu.

**017-344XXXX**

✿ SETUJU komen oleh Zaini Hassan (*Cuit*) kecuali tentang sistem radar. Tidak adil mengkritik tanpa memahami sempadan '*controlled airspace*', SOP dan profil '*hostile target*' dengan tepat.

**PEPUJAT**

✿ KASIHAN kepada 105 orang pekerja Hotel Quality Shah Alam yang hilang pekerjaan. Semoga ada pihak-pihak yang belas kasihan mengambil mereka bekerja terutama sekali terhadap mereka yang mempunyai tanggungan ramai.

**ATOK NENEK**

✿ GAJI kasar saya RM4,500 sebulan tapi gaji bersih saya RM1,800 sahaja. Cuba tengok berapa nilai dan kuasa beli saya. Saya pun terasa kenaikan harga barang dan sepatutnya saya boleh dapat BR1M.

**SAMA ADIL**

✿ ASTRO untung sebab setiap hari, setiap minggu, setiap bulan, setiap tahun asyik diulang tayang cerita yang sama di semua saluran. Tak ada cerita yang baharu, sebab itu banyak untung.

**Y48**

✿ UNGKAPAN lapuk '*biar mati anak, jangan mati adat*' tidak harus jadi pedoman. Anak adalah amanah dari Allah kepada ibu bapa.

**NENEK KEBAYAN**